

اِسْتِشْنَا

نومرو ۲۵

پنجشنبه

۵ مارت ۱۳۲۴

بوندن^۱ اُون بش سنه اول مکتب ملکیه پروغراملری تجدید قلندی فی ائمه صوڪ
یدنجی سنه درسلمی میانه ادخال فلان (اخذ عسکر) قانونک تدریس و تشریح مجاهد
حریت مانیسی زاده رفیق بک مرحوم مأمور اولشیدنی . درسک مقدمه سی «تاریخ
عسکریمزه برنظر» ایدی . «استشاره» مرحوم مشارالهی کال تأثر و رحمتله یاده وسیله
اوله جق اشبو مقدمه بی بروجه آتی درج ایله ترین ستون ایلم .

تاریخ عسکریمزه برنظر

دولت علیه عثمانیه نك امور عسکریمسی ابتدای تأسس و تشکله براس
مینه مسند اولیوب افراد امتدن حرب و ضربه قادر اولانلر وقت سفرد
عموماً سلاح آلتنه کیروب محافظه دین و وطن و دفع تسلط دشمن ایچون سل
سیوف بسالت و حیت ایدرک ایفای وظائف عسکریم ایدرلردی . واضع اساس
دولت اولان «عثمان خان غازی» ایله پدرلری «ارطغرل غازی» زمانلرنده خدمت
عسکریمه هان جمله حیوان اوزرنده ادا اولندیغندن سواری و آقچی نامیله تسمیه
اولنان عساکردن عبارت ایدی . عثمان خان غازی محاربه ایتک استدیکی حالده
قراوقصباتده بولنوب غزا و جهاده کیتک آرزوایدن دلاورلری منادیلر واسطه سیله
مقرامارنه دعوت ایدرلردی . مع هذا اشبو کوکلی عسکردن ماعدا بالذات محافظ
و خدمه خاصه اوله رق مقدار کافی عسکر و امراء مرکز حکومتده دائماً موجود
ایدی .

(بروسه) شهرينك مجاهدين اسلاميه طرفندن ضبط و تسخير نندن برسنه
 صكره پاختخ اتخاذ اولنسي حكومت عثمانيه به طرائف ملوك ايچنده بر موقع مخصوصي
 تعيين ايتمش اولديغندن تنظيم امور اداره واستحصال اسباب ارتقاء ايچون وضع
 قوانين و نظاماته همت اولنديني صروده قوه عسكريه نك دخي تنظيم و توظيفي
 ماده سنك درجه و جوبى اكلاشيله رق «سلطان اورخان غازي» حضرتلرينك
 برادرلري وزير صاحب تدبير علاء الدين پاشانك راييله اولاد اتران كدن قوي
 البنيه اولانلري انتخاب و بونلره «علوفه كافيه» تخصيص و ترتيب اولنورق عساكر
 عثمانيه نك توظيف و تربيدى خصوصنه «بيله جك» قاضيسى «چندرلو قره خليل»
 مأمور اولمشدر . مولاناي مشاراليه اقدامات فوق العاده سيله بر جوق دلاورلر
 جمع اولنورق ربع درهم شرعى قيمتنده اولان بر رايجه عثمانى وظيفه ايله عساكر
 عثمانيه تكثير و توظيف اولندي . بوضورتله جمع اولان عساكر ك ختام محاربه ده
 علوفه يوميه لري قطع اولنور و كندى ايشلري باشنه كيتمك ايچون وطنلرينه
 عودتلرينه مساعده ايديلوردى . بوندن منفعم اوله جنى اوزره عساكر مذكوره
 صورت دائمده خدمت عسكريه ايله مكلف و موظف بر عسكر دكادى .

«يايا» و ياخود «پياده» ناميله مسمى اولان بونوع عسكر ك مقدارى كيتدجه
 تر ايد ايتمكه اولوب اعطا اولنان وظائفك كثر تيله طبيعت انسانيه ده مركوز اولان
 حرص يا بالرك شيرازه انتظاملرينى بوزمغه باشلامش اولديغندن بشقه بر صورت
 و ترتيب اوزره عسكر ك تأسيس واحداثى ضمير پادشاهيده جاكيكر اولمشدى . يايا
 عسكرينك مغاير رضاي عالى حركاته جراتلري تماماً موظف اوليوب يالكر
 محاربه زماننده تجمع و تحشد ايدن برنوع اجرتلى عسكر اولمرندن نشئت ايتمكه
 بولنديني صكره دن اكلاشلايدغندن بو حالك چاره اصلاحى تحرى ضمنتده دولته
 واقع اولان مذاكره چندرلو قره خليل طرفندن تنظيم و ترتيب قلنان
 بر لايحه ده ، روم ايللرنده آقينجيلق ايدن تركن و اولجه احداث اولنان يايار ايله
 عثمانيلرك بايدار اولسي مشكل اولديني و قبول رعيت ايدن خرسقيانلرك توانا
 كنجلرندن بر قاج ييلده بريك نفر قدر آتوب «وظائف حضريه و سفرية» ناميله

تعیینات و علوفه کافیه ویرلمسی بیان و توصیه اولنش و مشارالیهک بوترب و تکلیفی وجوه ایله جالب منفعت کوریلهرک قبول اولنوب «دوشرمه» دینلان قانون وضع واجداث قلنمش ایدی .

«دوشرمه» قانونی مقتضاسیجه خرسیتیان چوجقلرندن هر سنه ممکن اولدینی قدر اطفال اخذ و جمع اولنوب بونلرک تعلیم و تربیه لرینه باقلدقدن صکره سن عسکری به وصولرنده پایتخت سلطنتده قشله نشین اولق اوزره یومی برر اچقه وظیفه و تعینات و سائر ایله توظیف ایدیلورلردی . عساکر مذکور «اورخان غازی» حضرتلرینک التماس و طلب همایونلری اوزرینه سادات صوفیه دن «حاجی بکتاش ولی» طرفندن یکی عسکر معناسنه اوله رق «یکچیری» نامیله توسیم و تسمیه اولندی . اشته یکچیری عسکرینک صورت تأسیس و توسیمی بوندن عبارت اولوب بوتارینخلرده ایسه اورواده دها موظف عسکر احداث اولنماش ایدی . حتی فرانسه ده پیاده بی اک اول یدنجی شارل ۱۴۴۷ سنه میلایسنده تشکیل و «فرانق آرتر» نامیله توسیم ایلدیکی حالدده عثمانلیلر یکچیری بی ۱۳۲۶ سنه میلادی سنده تأسیس ایلدکلرندن عثمانلیلرک آوروپالیردن یوز بوقدر سنه اول عساکر دائمه و موظفه تشکیل اشدکلری تبیین و اظهار ایدر . اوروپا مؤلفین عسکریمه سی اک اول عساکر دائمه و موظفه تأسیس شرقی مشارالیه یدنجی شارله اسناد ایله عثمانلیلری بوشرفدن محروم اتمک استمهملری مؤلفین موسی الیهک انصافلرینه یاقشدیریلهماز .

بویکی عسکرک نقصانی جبرایدملک ایچون اسرا استخدام اولنور و اسراک عدم کفایتی صورتنده ایسه تبعه مسلمه ایله اکا ایدیلور و کرک اسرادن کرک تبعه دن اولان خرسیتیان اطفالندن آلتانلر «عجمی اوغلانلر» نامیله یاد اولنور ایدی . ابتداری پاپاسلرک اغواسیله سلك عسکری به کیدن اشبو خرسیتیانلر بیننده برنوع برودت پیدا اولمش ایدی . فقط عسکرلرک کیرمش اولانلرک تفیض ایدرک مأموریت مهمه ده استخدام اولدینی دیگرلرینک مسموع و مشهودی اولدقجه و دولتک خرسیتیان و مسلمان جمله سی حقنده سیان معامله

ایلمکده اولدیفنی کوردنجه هرکس دولنک دوشرمه سنه حاجت بر اقیه حق وجهله اولادنی عسکره ویرمه مسارعت ایلدکلرندن اشبو دوشرمه دن بشقه برده کوکالی صنفی پیدا اولدی . ایشته دولت عثمانیه نك ابتدای ظهورنده احوال و نظامات عسکریه منوال سابق وجهله ایدی .

یکچیریلرک بدایت احداث و تأسیسندن فاتح سلطان محمد خانک برنجی جلوسنه قدر نظام و انتظاملرینه جزئی خلل عارض اولماش ایکن خاقان مشارالیه حضرتلرینک وارنه ملحمه کبرانی متعاقب ایکنجی دفعه اوله رق جلوسلرنده اولجه سلطنتندن فراغت ایلملرینه سبب اولمش اولان خلیل پاشا، بودفعه یادشاهک غضبندن قورقه رق عسکری ال آلتندن تحریک و اختلاله تشویق ایتمک باشلامش و مرقومک بوخده ملعتکارانه سیله ظهوره کلان فساد یکچیریلرک بالآخره وقوعه کتیردکلری بیوک بیوک عصیان و اختلالره بر مقدمه شرو و مفسدت اولمش واشبو شرو و مفسدت «مراد ثانی» نك وفاتیه حضرت فاتحک جلوسنی متعاقب ظهور ایدن قره مان سفری عودتنده جلوس بخشیشی استمک صورتیه باش کوسترمه شدر .

هر قدر فاتح ویاووز و قانونی کبی امثالی حقیقه هر ملته و هر دور و عصرده پک آزکله بیلمش اولان مجاهدلر، مجددلر، فاتحلر بواو جانغی نظامات مستحسنة ایله ترصین و تنظیمه جهد و همت ایتمشلر ایسه ده کاه کاه میوه خوشکوار فتح و ظفر و یرن اوشجره بسالت و شجاعتدن بعض بعضیده انواع شرو و مفسدت حاصل اولمشدر . یکچیریلر بیوک بیوک یارار اقلر کوستره دک دولت متبوعه لرینک شان و شرفنی اعلا و تزئید ایتمکلری کبی آزه صره ظهوره کتیردکلری بیوک بیوک عصیان و شورشلر ایله بنیان سلطنتی تهدید ایدرک سلطان محمود ثانی دورینه قدر برکشمکش دائمی ایچنده پایدار اوله بیلمشلر ایسه ده خاقان مشارالیه تحت عثمانی بیو تشریف بیوردقلری زمان چیغرنندن چقمش اولان بو عسکرکریه برایش کوریه میه جکی درک و تفهم ایتمشلر و معملر عسکرک لزومی ده اهنه شهزاده ایکن جناب سلیمک کنیدلرینه ویرمش اولدیفنی درسدن اکلا یوب حاضرلش بولندقلرندن

۱۲۴۱ سنه هجریه - سنده (اشکنجی) نامنده تعلیمی عسکر تاسیسی تصمیم ایله اجرایه تشبیبیورهرق برچوق موانعی افتتاح ایستدکن صکره یکیکچریلک نامنی کلیاً قالدیرمه موفق اولمشلردر .

بروقت دولت عثمانیه نك شوكت وعظمتی اعلا ایله افتخار ایتمکده اولدوقلری حالده صکرملری برطاق اسافل ناسک دخالتیه اطاعت وتربیه عسکرملری مختل اولهرق حدلری تجاوز و انواع فضاخه جرأت ایتمک کبی شرع و نظام خارچنده حرکاته مجاسرت ومه اذاه تعالی دولتی مهلکیه سوق ایتمک باشلامش اولان یکیکچریلری سلطان محمود ثانی حضرتلری اورته دن قالدیرمشلر وتجدید قانون صورتیه [عسا کر منصوره محمدیه] نام شایان احترامی آلتنده اولهرق معلم نفرات تخریر ایله یکیدن عسا کر ترتیب وتشکیل ایدرک « مجرد قوانین دولت » عنوان فاخره سنه مظهر اولمشلردر .

خاقان مشارالیه طرفدن باشلانمش اولان بواسلوب مستحسن جدیده مؤخرأ طرف حضرت عبدالمجید خانیدن کلخانه ده قرأت استدیریان خطهایون ایله برقات ده انتظام وتقویت ویریلهرک خطهایون مذکورده ازمان سابقه ده جاری اولان اصول موجبیه ممالکک عدد نفوس موجوده سنه باقلیه رق بعضی سندن رتبه تحملندن زیاده وبعضی سندن نقصان عسکر استملک کبی هم مساوات سرنخی وهمده زراعت وتجارت وسائر امور نافعته نك اخلاقی موجب اولمقده بولنان بر اصول لغو وعسکرلکه کلانترک الی نهایت العمر استخداملری مثللو یاس وقوری وقطع تناسلی موجب برقاعده غیر سالمه ابطال بیوریلهرق فی مابعد هر عملکندن لزومی تقریرنده طلب اولنه حق نفرات عسکریه ایچون بعض اصول حسنه اتخدی وتعیین مدت استخدام ضمتنده بر طریق مناوبه وضع واحداثی امروفرمان بیورلمشدرکه قرعه مشروعه اصولی اشبو خطهایون ایله تاسیس اولهرق قوه کافیه عسکریه حصولنک اسبابنک استکمالی قضیه بمدوحه سی قوانین موضوعه مخصوصه ایله ترتیب وتنظیم اولندی .

محافظه دین ودولت کافه اهل اسلام اوزرینه فریضه ذمت اولهرق بوبابده

واقع اولان دعوتہ اطاعت هر مسلم صحیح الجسمه متحکم وظیفہ دیانت اوله جنی واصل مرتبہ بدهات بولنش اولدیغه بناء افراد مسلیمندن هرکیم اولورسه اولسون بحسب النظام اسمنه قرعه اصابت ایتدیکی صورتده عسکر اولمقافه شرعاً و عرفاً مجبور و مأمور بولنه جغندن ممالک محروسه ده متوطن بالجله اهل اسلامدن اسنان عسکر یه ده بولنان کیمسه لک فصل مخصوصنده بیان اولنه جنی وجهله بعض موانع شرعیه و امتیازات مخصوصه لرینه مبنی عفو و استثنایه شایان اولانلرندن ماعداسی کرک اعلاکرک ادنا هرکیم اولورسه اولسون صورت عقدی اشاغیده بیان اولنه جق اولان اخذ عسکر مجلسنه جلب و جمع ایدیلهرک اسملرینه قرعه کشیده ایتدیریلور .

مسرودات سالفقدن مستبان اوله جنی اوزره محافظه دین و وطن خدمت مقدسه سی افراد مسلمینه خاص قلنه رق ممالک محروسه اسلامیه ده متوطن اولوب تحت تابعیت سلطنت سنیده بولنان خرسیتیانلر (بدل عسکری) نامی آلتنده بر رسم مخصوص و معینه مقابل خدمت عسکر یه دن عفو ایدلمشدر .

اکثر دول متمدنه موجودده جاری اولان قرعه اصولی دولت عثمانیه ده کلخانه خط هایونندن صکره اتخاذ اولنش و شمدی یه قدر گذران ایدن یارم عصر مدت ظرفنده علی النوالی اجرا ایدیلان اصلاحات و تعدیلات و بتخصیص فی ۲۷ صفر سنه ۳۰۴ و فی ۱۳ تشرین ثانی سنه ۳۰۲ تاریخنده نشر و اعلان اولنان یکی ترتیبات ایله بوکونکی حال مکملیتی بولمشدر .

دولت عثمانیه - آوستریا ائتلافی

۲

بعدالانقلاب

۶ تشرین اول ۱۹۰۸ تاریخنده آوستریانک استانبولده کی سفیری مارکی ژان دو پاللاویچینی خارجییه نظارتنه برنوطه ویردی . ترجمه سی مقدما بومی غزنه لرله